

白  
華  
後  
稿

白華後稿卷之三十二

南滙吳省欽沖之篋

男敬樞星宰  
敬沐起元校字

古今體詩六

屠維作噩

正月下澣約軒侍講瑤峯少尹戟門少農霽園  
光祿枉集小齋竹軒庾節亦至次日以詩見  
示並以做冠過窄枉贈貂簷次韻奉荅

黃羊作炙黃雞寒紅票醞熟扛大官豪家召客不負腹  
笑我粗糲餐百年朝來印囊乍開手偶訂近局紆心顏  
如六七十五六十年堂歲月看逝川蟾蠍清淚漫滴研

鸚鵡妙舞思衝筵王家青箱韋畫戟蔣家三徑皆悠然  
司農三載秉庾節雲帆轉粟千倉全酒酣耳熱弁交側  
或醉或否歌呼傳而我頽唐玉山倒兩手拄頰首隱肩  
鶻冠妙年指且數謂酸澀氣終當刊大冠田單抑何勇  
小冠子夏寧必賢映蟬末光幸分照豐貂有尾來東藩  
簪花舊侶意鄭重顧影忘卻吾髮宣詩筒相侑走急遞  
清鏘金石誰問言亟呼追師事裁翦毋使嘉惠成唐捐  
巾箱擎出詫時樣得路應讓王陽先

周竹齋含飴圖

竹齋名之鳳臨桂人王  
申武進士係宮洗瓊父

養竹栽花地吟風弄月情小園無限好賦手待蘭成

逸少甘分一味太邱德聚五星不及癸辛巷底丹鉛親  
自傳經

禿襟脫帽未裝緜仿佛家山八桂天他日平頭看一百  
起居環擁玉堂前

時飄學士以所藏徐勝力袁杜少馮方寅李公  
凱麗雪厓諸前輩冬日崇效寺雪公房看梅  
詞冊屬題步止堂同年韻

釋木有柑亦有梅說詩至梅休溷哉束縛奚斗致京國  
多借桃李爲根枚曲房邃閣供斐几纔出暖窰防殘摧  
此如高僧賜緋紫無復黃面紋生良棗花古寺今視昔

梅作花時棲蝶媒

袁杜少詩自註有黃蝶蟄梅華下

朔南氣候判霄壤

幾見新筍填銅街鴻詞諸老索花笑想像不過盆間栽  
入林恰得猶阮侶囊筆奚啻嚴徐儕偶逢坐花卽譽樹  
不知是樹才不才流傳詩冊落廟市對賞值得傾千盃  
遂疑此寺老梅樹翠羽朝暮紛相偎止堂解事破羣惑  
恍攜諸老吟徘徊愛其人不計其樹繞屋三千行當排  
大江以南海香雪賴爾白氈青鞵催東華車馬迫冬令  
清鐘側聽非清齋嗟梅於我太慳劣瑟縮簾底無從開  
友梅不獲友諸老五字七字珍雙瑰長安游客話勝事  
較勝銅井銅甃陪忽疑此寺樹如此側帽策杖吾還來

上章闕茂

高月峯 上桂 松泉圖照

六朝松石情萬里車馬客治行爭傳濯錦江抗懷願老  
孟諸澤琴聲太縣逸鶴夢偏瓊壺田園雖好戀不得翻  
身載謁明光宮探花舊侶彩雲散只待河陽種花看論  
交每歎酒壚空寫真直作畫圖玩坡陀淨研雲蔚藍蘇  
活鋪徑茅縛庵山童要我課清供香爐茗椀辭朝簪暮  
寒竹影袖生翠川泳雲翔愜爽意高柯謾謾風動太古  
雪霏霏泉湧地因君抱琴來頌君騎鶴上候館長關人  
迹稀訟堂勿翦草痕長在山出山心太平日日戴巾坐

披覽

章葭邨司訓浙江觀潮圖遺照

西塞山前路鷗波綠有痕宦情夷甫淡經義宓生尊竹  
挺扶疏節蘭羞潔白漁不知車馬客載酒欲何言  
龕赭鬱岩堯方秋海若驕頻移鄭虔席飽聽伍胥潮埽  
葉供茶銚尋花挂酒瓢文孫能述祖想見水源遙

張鹿樵上舍懸巖積卷圖

辰谿有架閣歸峽有插竈名巖炫積書不惟養惟教鄙  
儒憚冥搜醉樵矜獨到斯樵豈凡樵岑蒿拔鄉校每求  
伐木聲爲挾傳薪與熊熊張宿光奕葉盛才藻七車與

瑯嬛卷軸敦夙好如君麟鳳姿肯受樵夫笑華林勸校  
錄定獲嗜書報得食倘相呼津逮鼓芳棹

董四墓桃

青埋千里草紅綻一林桃不賣求難得先嘗送每叨漿  
凝寒迸齒膚風裂指毛樂府新聲好如聞唱董逃

次韻荅孫茂才世份

聖涯嗟浩茫無計覓津渡六藝闕緒餘譬以木罌附漸  
漬復優游德仁貴依據見道在因文昌黎殆其庶以之  
配漢儒玉杯及繁露侍郎三品耳一笑等風絮百家就  
範圍八代振謚護假而輕其詩毋乃高叟固彼哉郊島



徒敢與我軍遇我從進學解重讀感士賦身宮坐磨竭  
雖愛莫能助借問李虛中此理待參互而聖此罕言不  
暇測躔度大年享盜陌長貧食季路所以天問篇抗懷  
攄積素飄飄來紫髯上闡洛書數五十困文場私憂衆  
人譽北學誰或先西笑竊私慕買醉眠市間壚女不一  
顧但留青白眼使人內心悟畸士謝俗懷神駿絕驚步  
吳坂困鹽車想像酸嘶處我懷嚴君平下簾道經註當  
其鉤簾時豈識錢神趣近賢青蚓生困頓乏炊具脫驂  
來道鄰欣受若無與古人食已力匪以盜泉慮養廉君  
太矯過情我終惡誦君貽我詩六轡持丙馭射馬兼射

人舍矢百無悞言道期探源言學患迷霧言識言別才  
羅胃森武庫數者缺一端如疾廢而痼縱騰洛陽價僅  
化羽陵蠹一喝三日聾河漢駭還怖繫我瓠落材謬襲  
錦文著泰然誇癡符斯事壹何遑考古涉瓜離證今昧  
雅故有時偶欲書手腕不相赴芟柞本不勤焉得填倉  
裕羽毛本不豐焉得搏霄翥舐掌非不煩銜薑非不豫  
枝葉與根株任撼蚍蜉暮感君見而醺依稀酒入務知  
非華士華或比寓言寓餘杭藪人文述作富藏去軒如  
鳳山翔霍然鯨濤怒亦有明秀姿濃淡心所護誰學韓  
伯休肯示張子布東華蓬勃塵捉臂獲嘉晤聊與極冥

搜九流快東注神著精演探上藥妙呵噓詰屈非相篇  
崢嶸蟬鬼句隨意抽祕文難者半驚仆其于二氏書如  
獵脫狐兔其于五行志如舞執翻鷺虛旺資權衡珞琖  
鄙詮疏往往累黍間枯苑判飢飫岩岩十二宮星經窮  
洄泝辨之視土宜參之驗門祚諦審至再三毅然大書  
署而我木石腸平等視喜懼未解遁甲圖那借前席箸  
疴癢心不關姑任艾丸炷思君有至言七政若鑢樹六  
府叙五行穀精隨月御或詘與或贏左右券斯付斯語  
穿羣經願向經師語有星便可秤無錯莫煩鑄異時西  
子湖縱棹伴歌寤

題王謙六履吉海運六圖

百神效懷柔惟海胥受職忠信涉飛濤孔訓古堪臺  
陽隸八閩曰毘舍耶國我朝廟版圖鴨母寇氛熄何  
來么膺儔自干蕭斧殛七十二社間盜兵聚螟蛉之子  
捧檄來奔畧上官識王師資餽餉重倚百夫特湯湯  
五虎門風信候西北定針記幾更三老審不破隱約雞  
籠山檣船在頃刻豈知蓬萊島欲近苦未得披猖見颶  
母雲水閻如墨明明卓午天人影慘昏黑五兩挂重重  
超忽難控勒已窮東若望遠向南溟卽絕舵更斬帆聊  
以延喘息是船久非船如車脫輪軾輕颺浮泛泛左右

信欬側泱辰闇晦朔待委俄儼臆鹿耳並摧殘無水安  
得食忽逢龍雨下承飲瀝要襪飄然觸暗礁險伺同沙  
蟻果熟帶自搖况復啄而蝕勤事死亦甘將父爲傷畫  
翻翽一朱鳥非鷺非鵠鴻僉言水斐靈陰受九天救粘  
天波浪開落葉杳來迹心擬是漁舟苓箬雜鼠豕招招  
籲使前運動迅於織軍資畧無捐庶免挂彈劾藏舟有  
三人呼吸付淪溺幸哉出險身仰賴神扶植繫惟仗  
皇靈夫豈係臣力鄰疆爲上聞 詔許覲墀城相見示  
斯圖痛定淚還拭跳梁早就擒再熟安力穡以視執干  
戈登陴保疆域任使雖各殊職分交稱塞濟川霑作舟

陳義示無極

題陸挹泉

冰

所藏曝書亭硯銘拓本

竹垞食破硯恢恢著硯說銘詞卅六章間爲二孫設欲  
抱豈徒然多藏太癡絕得一過一生何事苦羅列遺書  
八萬卷瞥眼飛鴻雪是誰訂石交妙墨揚圭碣或圓或  
規方或橢或磬折或全或瓦毀或坳或峯凸子孫旣吉  
昌親舊亦怡悅觀文玩義間愛此筆如鐵集外或未編  
集中或有缺莊語與詼語彷彿對前哲物聚好貴專材  
雅傳不滅永懷種玉亭試問溲碑訣譜人似孫箋清言

靄霏屑

蘄州陳

良翼

令諸羅

今嘉義

遷雲南州牧受代

將去會林爽文之亂後令被戕而賊護陳一

門賊退大府檄陳權縣事城復被圍陳守禦

兩月餘事平作圖索題十六韻

保障資羣牧臺陽海一涯潢池兵忽弄巖邑木難支遺  
愛思前令孤忠動健兒丹心攫虎口赤手豎牙旗管攝  
符交下艱辛力自持飢腸搜鼠雀倦骨倚屏帷禮信斯  
常在存亡詎敢知帛書濡血繕介士戴星馳遂使瀕危  
日還逢急救時雄師看送進小醜笑空爲漠漠烟塵掃  
濃濃雨露滋家完城亦保名著節常垂妙筆分明寫閒

憲慷慨披英姿真颯爽懋績想敷施巡遠輸君遇龔黃  
賴爾慈泰平邊郡靖嘉義勒銘宜

庚戌十一月赴約軒司成幼郎湯餅之會用金

圖前輩韻

弧矢桑蓬選質良阿翁七十兩瞳方人行別院啼聲大  
客試圍爐酒氣香種帶一林連理杏夢懸廿載失羣麀  
抱來但作孫曾看燕燕鶯鶯老更忙

壻上海喬淦玉繩覆校



白華後稿卷之三十三

南瀛吳省欽冲之篋

男敬樞星宰  
敬沐起元 校字

古今體詩七

重光大淵獻

劉薊州 念拔 漁莊春霽圖圖宰雄縣時作

鯉旋徵魏都界際趙之北雄關鎮瓦橋豈藉鑿池力何  
郎唱蓼花此計有誰識疏排年復年作塹當伊減其初  
限戎馬其繼長蘆荻其後藪魚鰕利倍山農百方春冰  
凌消夾岸漲痕碧掉尾詫成刀駢頭笑論尺稗販集漁  
商輅十三橋側味壓海族蕃名載水蟲籍市司平價來

惠此布金域烹鮮得劉侯度地斬荆棘別築三四楹奚  
翅清涼國重爲搆子亭彷彿笠圓式可壺亦可弦可釣  
亦可弋趁彼桃浪初柳下繫金勒於時檣頭船出港勢  
如織一漁獻修鱗一漁掬斲斲迢迢東西沾趁虛復何  
極懼言奉 豫游久鞏格隄格析木窺天文長蘆接  
海色撒網大台圍舊德徧飲食牧人夢惟魚占豐詎誣  
飾秧歌聞漁歌塵鞅庶消釋絕似江南春湖山擁行軼  
卷圖鄉夢縈安得凌風翼

懷昉自津門至京就館金陵節署

孝廉才地畫船新小別江樓計八春書誇樂羊牽北望

賦傳司馬紀南巡蕭條心迹成知已竊忝文名見替人  
第一六朝龍虎地莫將金粉墮前因

商約南轅勝北征幾回勒馬幾聞鶯才人豈合歸廝養  
僕射真當事父兄入幕蓮花交吐艷繞闌苜蓿競敷榮  
自憐冉冉孤生竹香火圓頭負鷺盟

永平試院有香樹司寇和李東懷孝廉三古松  
歌松二在院後一堂後皆白皮四小松對峙  
者近人所補種耳爲系一律

我來孤竹儀清節誰選三松護白皮作鼎峙形都老大  
如人立狀亦參差堂傳處士名休盜廳記閒丞遇獨奇

惴惴風流香樹叟量園解帶苦留詩

豐潤董觀察漁山先生榕博學工文章北方之

學者未能或之先也癸酉甲戌間假館江州  
郡齋對談輒夜漏三四下童僕散去而抵掌  
鼓舌無倦容其著述甚夥惜不盡傳最傳者  
獨芝龕記耳頃過縣中有感而作

石軋沙沈馬力賸還鄉橋畔重徘徊人間弔溺標金管  
身後遺書散玉杯少賤易傾知已淚衰庸孤負出羣才  
墓門迢遞遲親掃始信浮生萬事哀

薄病浹旬記癸酉冬假館江州郡齋恒岩先生

以予偶抱寒疾每日問視數至半月霍然此  
後亦未有抱疾至旬者頃童錄豐潤有董光  
璣者詢之其猶子有子作尉湘鄉感成一律

旬來真似病維摩冊載光陰付逝波藥裏茶烟懷問訊  
隻雞絮酒愧蹉跎官趨丞尉書難讀身拔泥塗德必歌

寥寂山邱師友盡泪痕應比酒痕多余以戊辰後交趙

恒岩觀察已卯庚辰間交吳侍讀雲岩先生通  
籍後劉文正劉文定于文襄暨劉少空圍山先  
先凡見拙製不啻口出其餘師友皆不及諸君  
子嗜我之真道山一去僕亦年過六十矣撫今  
追昔不知涕  
之何從也

嘔血兼旬籲懇辭任養病

命以

省蘭弟

遣行至潞受代

六秩有三經歲月萬分無一報

朝廷

史直翁語

多因痼疾

思高臥豈分

新恩及敬聽賓御開筵安襪被弟兄

見面勝參苓傳來

天語沾巾感

到通

上諭兵部侍郎沈初傳命臣弟迅速

友注庶頂

聖慈澤

且上籃輿別潞亭

寄題夷齊廟

首陽紛隸黃虞域此地烝嘗報蕨薇講讓並將千乘棄  
懷清不願一家非東征叩馬詞差誕西望占熊養亦違  
却笑金閭祠至德笙歌長日擁芳菲

潘皆山明府月下荷鋤圖

脚不躡春申履頭不戴林宗巾  
夫須之學海標樹田夫識字穩  
稱身一鋤截得老雅嘴橫枕吟  
肩芒兩齒使君縱有河陽花九  
穀三農審經旨昏黃淡月淨如  
沐幾曲秧塢聽不足作吏幾同  
麥下夷逃禪祇當桑間宿鋤乎  
鋤乎何黨之其倪寬之是慕其  
管寧之是師我腰載折五斗米  
我手再扳五柳枝公田釀我酒  
新熟容我詩話編庚溪

福蘭泉太守以詩稿見示卽題其後

維摩丈室坐兼旬破帽茸裘不似春  
今日清香疑畫戟

瑤華長慰苦吟身

吾黨言詩首性情莫論茗翠與長鯨大雷岸口音塵遠

斷雁離猿伴此身

集中遇弟哭妹送妹等作字字心血尤爲特絕

清門文采自勳門帶海襟山角吹喧爲有清音勝絲竹  
一回掩卷一開尊

青浦圓津菴靜公雲烟供養圖

能刻印

蓬蓬衲上雲潑潑杖邊水水流雲亦流不二參靜理靜  
師白足禪畫鐵仗兩指作使煮石農萬象出神鬼別來  
三十年面目都非矣聞聲各問名情話此千里一笠挂  
一筇供養滿故紙有衣旣已青有衣豈必紫舊鄉雲水



聞蘿筍勝甘旨何日度圓津釣遊土信美

春江水暖鴨先知得江字

和宣鳳紀欣占水候應禽心利涉江漲帶花花痕逗一  
名傳鳴鳴影排雙聯翩似趁蘭期浴唼喋如鳴杏雨淙  
就淺就深行宛宛載漉漉載泛逝幔幔竹弓將殼情何忍  
藻帶雖牽力未降紅掌愛隨波勢撒青頭惱逐浪紋撞  
負冰魚早依空岸上樹雞徒瞰舊石同樂民知靈沼暖  
在溪在渚頌 洪麗

八月十一日奉

勅恭和

御製留京王大臣報得透雨詩以誌慰元韻

夏雨休同夏暑嫌

鳳城葺雨望差淹膏停玉塞晴初放溜微

金門澤大霑

今年六月京師較熱十一二日得雨霑足歡騰朝野

分寸並傳新

尹報倉箱早聽老農占

臣任府尹六年每得雨雪卽時馳奏上卽垂問分寸於民

事無微不至 臣疴懼比苗將槁幸被

施生再造兼

臣抱疾請假蒙恩以臣弟吳省蘭代臣順天學政之缺旋由禮部侍郎 特

調工部 恩施 疊被得以向痊

恭和

御製喜晴元韻

日雨卽雨陽卽陽

八徵聖念此尤快 雲莊雲斂礎潤收碧霄曉映瑠璃  
界自農種禾禾影長曬晾因時埽塵薊同旣晴佳景堪  
入詩將生華月定須畫感通至理在

聖心遂使天功出天賚敬

天昭事日孜孜色喜欣然轉成戒

恭和

御製潛運總督管幹珍等報得雨及南漕全抵天津情  
形詩以誌感元韻

一雨爲霖拜

賜優雲帆通漕萬鱗  
弼上天轉粟程初到  
遠岸迴搗響  
借道官有課期先十日  
農無儉歲降三秋  
長安井竈蓬  
蓬飽獨抱微臣素食愁

臣蒙  
養病例仍支秋俸

恭和

御製觀瀑二首元韻

看來非雨亦非晴  
倒掛銀河色界清  
截得廬山真面目  
一條雪瀑向空行

日夜晴雷般地聲聲成旋  
使色俱成六根參透  
聞思理  
仙樂還教耳暫明

恭和

御製獅子園卽事元韻

扶輦名園雨過餘先天卦德應

皇初樹閭獅座依依近花傍龍池宛宛舒日凜

時幾欣卽此天隨神動愜游於義軒世宙分明是獨有  
皇情益跋子

恭和

御製詠旃檀林鳳尾松三疊乙未舊作韻

石穴徙嘉植雨露

恩不計娑娑鳳凰尾而作龍蛇綴摩頂認 仙莊盤根

蓮福地佛說旃檀林恐無此盛事萬彙生自天

聖澤俾成遂風雲相與清枝葉交加翠一撫一徘徊長  
養賀遭際縱非楨幹材舉樹孰能速三庚避之否六甲  
守者異他時孕伏靈何止一千歲

恭和

御製閱射元韻

肄武秋行獮程材曉關門節容期上選

聖智悟兼論赴

賞羣情奮宣威

至計存獵場欣數獲陪從許承

恩

恭和

御製鏡香亭對荷有作元韻

萬紅葉裏敞虛亭  
面面簾波字字丁  
恰對至人心似鏡  
况聞君子德斯馨  
雨晴應候觀胥化  
魚鳥忘機夢亦寧  
爲仰宸襟超物外  
湛然月露滿秋庭

恭和

御製倉場侍郎蘇凌阿劉秉恬奏報起漕全竣詩以誌  
慰並均予議叙元韻

玉粒碾幽場  
千艘歲運常有年

天所賦每飯

德毋忘開墾濟胥汜丁夫力互相

甄勞逮臣佐釐弊憶良方

臣任府尹時有孳獲通州開運零竊袋米之案大學士等

議於五開派抽查御史二員奉旨以臣領其事鼠竊之弊于此廓清

恭和

御製西照有會元韻

重離揚空駕羲馭遲速度與天行分旁周八表象杲杲  
俯燭萬彙意欣欣赤城標起景將夕崦嵫餘照閉嶙峋  
精神炯若旭初上雲霞萬色窮描敘人間倍覺晚晴重  
玉溪語妙真出羣今光天下仰



帝德中正以照彼紛紜微臣窺管類螢爝復旦敬頌

唐虞君

題石渠觀察西行圖記

花門雖異種萬里革心同教主爭新舊殘民怙始終  
旗遙遣將聘餉亟求忠設餞西郊外紆籌北路中  
弟昆情惻惻僕馬意匆匆夷險闢津閣晨昏櫛沐蒙  
揚鞭投折坂僨轍下奔洪潼水縱橫過盤山詰屈通  
力瘁勞敢憚氛惡亂交訂候騎前途迂乘墉闕道  
攻礮材飛霹靂乃徑斷海深漠漠邊塵淨悠悠野  
哭窮撫綏報黃鵠巡歷倚青驄道謁羲皇廟言尋  
柱史宮卦壇晨露浥經卷

暮雲烘宦蹟頭銜換書林腹笥充問源搜鳥鼠括地辨  
陸峒射圃長攜耦文場小試童承家從甲第報國矢寅  
東考績真書最披圖特表雄離懷紆數載  
寵命竚層穹秦隴移丹節爲霖馬欲東

題實菴侍御種竹清照

爾雅詮竹名繫草不繫木不利北利南戴譜我曾讀薊  
植植汶篁夸詞鮮實錄化枳性本殊移橙計難熟縱然  
耐歲寒柯改葉亦禿咄哉小馮君米市僦破屋早行薇  
青吟旋下芸館宿到今官栢臺趨直命膏軸制草紛如  
麻安得媚爾獨朝來傾我哈籠袖出筍束曲闌何參差

疎寮自迴覆玲瓏怪石供瓌璋病鶴畜青楊搖好風蔭  
及苔痕綠於瑪規敷弓藝蘭待親督殷勤灌新水卽此  
足醫俗豈知無厭求得隴又望蜀一竿二三竿壓擔漚  
續續帶泥訛所安覆瓿戒毋觸倦僕停鴨鋤叉手怨靴  
痕賴有解髻章回笑候畚揭遷地念良材懷人竚空谷  
是時風日佳衫色曳波漾悠然見瀟湘烟雨掃羣玉吾  
鄉東海頭个个罨平陸人海少此君君才惟所欲相要  
竹醉辰分栽伴退躅筵中與堅中番番護寒暴有客倘  
來看一笑食無肉

壻上海喬淦玉繩覆校

白華後稿卷之三十四

南滙吳省欽沖之篋

男敬樞星宰  
敬沐起元校字

古今體詩

元默困敦

恭和

御製賦得王道如龍首得龍字元韻

元首中天出惟王蘊篤恭貫三文應象用九道猶龍手  
爲高居拱壘緣遠視重鴻鈞長轉氣尺木孰闕蹤獨處  
淵蛸密同孚袞職禹萬靈噓宛宛五位鎮雍雍聽角暮  
神儼攀鱗作雨從兵韜勤

廣蓮歌性播醇醲

恭和

御製啓躡避暑山莊卽事元韻

避暑更便秋獮計揚

鑿歲歲匪康居七程路坦砥相似十日雨濃酥不如新

澤信涵

方澤後豐年應告閏年餘吳根越角塗泥沃共愜

宸遊

御玉輿

恭和

御製過清河橋卽事雜詠元韻

斯干望雨雨重沛出自東門橋臥波好是雨師勤灑道  
灤河架木訛云何

雙溝低擁水痕濶萬耦新扶苗節長爭向一窩烟市裏  
近瞻

天表不求違

冬官視路先驅早晷吏迎

藝列踞多記得六年尹京兆此間祇送戀如何

臣部履  
行先一

日查視橋路清河爲督臣率辦差官接  
祇送之所臣尹京六年每切依戀今奉

屬車實深榮

幸

恭和

御製曉行一律元韻

星垂露重戒修途  
靈雨桑田景物殊  
松樹鱗而如九老  
雲山欵乃似三吾  
敏徵地道豐斯屢

健協天行倦本無  
多少邨農來就

日蓬門初旭晃流蘇

恭和

御製出右北口作元韻

留幹岩岩拱闕  
廷烏桓郡古漏山  
經銀流詰屈爲襟  
帶玉塞伊緜識戶  
庭關上大旗長獵  
獵莊前小麥自青

青十行黃紙傳宣快今歲

恩獨半地丁

恭和

御製至避暑山莊卽事元韻

彌天一雨當萱蘇露輞軒軒

顧視殊禮樂待

興今設郡

豫遊爲度早成都遠藩職貢咸餽

聖荒徼顏行那抗吾有小雅材歌六月軍聲今是鐵浮

圖



恭和

御製永佑寺瞻禮元韻

率培枚枚紫塞前視文武廟禮加虔佛塵早出三千表

孺

慕常縈五十然秩秩

孫謀貽保泰孜孜

毫念切乘乾廣仁兩字規

心法符節攸同數紀年

廣仁嶺碑字係康熙五十七年御題

恭和

御製題繼德堂元韻

丙辰清夏鑿聲至豫

勅經營殿室開立德白應師

太上肯堂長使庀雲來正衙日月升恒矣

行苑烟波伴奐哉簡較

雨宮起居地一家中外運

鴻裁

恭和

御製西峪元韻

西方兌言說說此及時雨竹木陰早成黍稷華未吐不  
雨雨卽甘多雨雨或苦非少復非多其雨倍得所茲阿

形有卷

游歌協前古報雨耳競傳過兩目還觀庶幾塞上田上

熟似三楚

吳諺湖廣  
熟天下足

恭和

御製題秀起堂元韻

若教閏序移秋令此際熾熾大暑過攬秀適當時雨旣  
登堂爲問塞山何簷楹豁露延清賞竹樹搖風苔靜哦

臨窰綠垣

天視遠青苗青較綠陰多

恭和

御製夜雨元韻

鳳城淡膏澤稍遲禮

雩常到塞巒蒸霧當宵瓦溜霧逢辰花夏潤翌午葛含涼臣自田間至黃梅記插秧

孫肖堂搢刺承豐徠灤候觀會田秋坡灤亦至  
自渭南信宿遂別共覺黯然爲成四律

渡馬伊遜平日午照依然井絡聚人文經年音問沈浮  
幻得路功名利鈍分警露鶴支錢米薄負山蚊擘簿書  
勤後堂絲竹吾何有日對奇峯擁夏雲

曾伴轎軒促刺還六街塵染素衣班祇期賦擅淵雲後

豈謂官居卓魯間單父抱琴星歷歷武溪和笛水潺潺

朝天嶺上朝天返愛日兼旬指舊山

孫將假省堂上

擊斷才兼撫字方故應京兆起田郎彎弓力弱恩曾

賡入幕文雄走未僵貳守對揚從古少六條考察自今

長東南繁富民勞易望爾移栽陝境棠

田應襲武職以拔萃而止頃獲

八卦教要犯特擢  
同知 召對移晷

石柱鐫題歲月徂七經弟子幾華腴漫傳面目中郎將

齒堂長頭且署頭銜下大夫最政古人崇守令病身昨

歲戀江湖朝來忍發驪駒唱留當巴山話雨圖

余參軍 定魁 小照

方池湛虛明人影鑑寒淡悠然憺忘言愛此禽魚畜眷  
言十載情官舍似空谷結跣苔礪間好風漾春木落落  
布琴尊娟娟媚花竹非無半畝菘豫蒔九秋菊佳兒是  
文度一編笑開讀始知吏隱心豈待假休沐自頃移灤  
京未免困呼扑行卷且隨身披來候茶熟

小暑前二日同人枉集灤陽試院寓齋裴山賦

詩見示次韻

予季頃駐輅與桓士風覽稍嫌舉槌鈍頗說尙綱閭竣  
試旋戒途試院取可揜那知高傲居翻抱寂寥感竹友  
欠邱植石丈異湖嵌長趨足雖趨晝寢眼空眈公等並

扈游日聽索鈴撼方駕衆蹄攢會食羣口噴縱然言笑  
借未免經營慘琴瑟到專一彼此失安憺庶幾狎壺觴  
聊且輟鉛槧我帽子教脫子袂我試攬風來大王雄酒  
得君子澹食指知欲縮詞頭笑爭領五里路則紆半刻  
晷斯寔惟苦跼蹐升不放轉輪輶况屈三伏乘火傘炎  
官燠昊天閔襦襪封以片雲驅瓜井建安浮茶場武夷  
喊爲記昨夏秋臥病厭蒸糝妄思豨苓引偶乞去聲荔枝  
嗽去年疾甚時補山協揆以特賜荔枝一枚見貽沈縣夢鄉國有浦鄰乍漱  
生還詠太平分擬謝綏統嘔呀艫搖窺安帖樹鋪毯豈  
期二豎逃性命免磨鑿人云疾已蠲自顧意仍欲奉塵

至山莊圍座碧茵蒼大烹媿養頤重險幸出坎矢音蒼  
聖明日綠苗如菟鹿嗚呼呦呦塵揮味醇醇客散詩旋  
來當此非石敢更看邊事籌投筆破西膽

賦得擲地金石聲得心字

天台雄倚地賦罷筆欹簪欲擲當瑤席何聲在墨林竹  
絲和簡出鐘磬就編沈殷殷豐山半浮浮泗岸陰鈞天  
垂廣奏環堵苔商音落共霞飛座懸兼瀑吐岑登高推  
巨手集大揆精心多士今鳴 盛無爲蟋蟀吟

罇上海喬塗玉繩覆椽



白華後稿卷之三十五

南滙吳省欽沖之篋

男敬樞星宰  
敬沐起元 校字

古今體詩 玖

昭陽赤奮若

聚奎堂次治亭少宗伯韻卽呈石菴冢宰

松堂左右屨奎文且住東軒對夕曛癸丑又過修禊節

庚申如守學仙羣發題前一夕劍借同病逢枚叔袖方

發者欽命首題古經抱盧仝束閣紛新令棄胡便與

春官留掌故三劉地望士同殷欽三枝會試正考官已

文正今與治亭副冢宰  
典此荏苒三十年矣

選材鄭重

令頻頒覆落繁蕪爲訂頑

新令覆試會天試中式舉子

下文章能幾輩座中官闕忝同班致身莫遣科名負彈

指多憐福命慳

欽己丑辛卯壬辰校士所得今存者十才五六

比較周南留滯

好桃花紅擁

玉輿還

聖駕以三月十七日自盤山還京

冶亭少宗伯以行楷章草題扇見遺乞石菴家

宰作楷其背

腰扇騎驢出舊京李昭遺製作人情

素扇以江寧爲最冶亭去秋典江南

試多君籠袖春芳滿欲卸吳絛五兩輕

整整斜斜字數行幾雙翠羽幾明璫只如飽噉侯鯖美

野鷺家雞讓擅場

書名蓋世老尙書細點吳蠶上簇餘記起永和三日序  
羊曇一慟感何如

辛卯分枝會試文正公爲主文羅侍  
御出一紙極粗劣公書祕帖應之

我鄉嫡派我何知兩絕摩挲手不辭如此聚頭能幾遍  
辛亥十月陪二  
公閱教習試卷仁風留到子孫披

癸丑十一月題吳白菴名照畫竹小幅送傅慎

齋謹身歸蜀

故枝何披猖新枝何荏苒曰筍挺未成曰筍節已奄亂  
頭粗服姿畝斜不容檢然而風雨聲如到竹窗點畫理  
在通神湘雲望同斂以子來薊邱汶篁此間歉偶焉乞  
一幀面目掃塵歷言歸溯漢川厥價如蓬貶目宿餐亦

佳玉版禪奚忝長揖墨胎君秋心滿蒼戶

輓孫坦園觀察

冀野清門著含酸蚤歲孤攻書貽手澤抱硯苔心劬響  
夏天台石光涵鏡社珠山南升蔚薈堂北慰憂虞遂報  
栽花滿旋登畫軾疇苗民綏遠邵旗鼓筦名區節厲冰  
霜共音傳淚涕俱幔亭咽歌管滬岸記漿壺物望朝綬  
豸羣嗟谷逝駒循良褒國史繼起竚鴈雛

芝軒修撰秋帆歸興圖

乍領羣仙籍秋風便憶家峭帆指吳會佳日照清華遠  
岫浮晴黛幽溪蕩彩霞娛親歸路好豈止錦衣誇

羊車煩擲果搔髻感侵尋載拂臺前鏡言彈壁上琴門  
闕流喜色河漢動微吟玉笋君纔稱三廳佇好音  
舉棹歌年少還朝逼小春毫端掃眉手牖下比肩人溫  
飽知非願行藏信有真玉堂傳故事瀛海是花津

遵義楊某未婚妻尤守志詩

詩家相謔數楊尤此日清芬滿播州別鵲未成歌太液  
離鴛豈惜墮高樓但判平輟珥承甘旨無復鳴鐘述好  
迹五十餘年冰雪宵哀絲寡女不禁秋

闕逢攝提格

伊雲村光祿梅花書屋圖卽送其歸寧化

我家吸鶴沙沙地宜木棉接棧蒨竹樹半是梅花田嬰  
春接凍臘都是梅花天見花不見梅一梅花萬千野水  
照淺淺初月浮娟娟茲焉結茅屋清夢香無邊欲喚梅  
花魂伴我梅花仙縱非梅花王或作梅花顛搗來萬人  
海背花三十年覓花向花市一椿錢一縉位置發斗中  
枯槁如病禪忽聞花氣薰墨彩相新鮮誰將朝斗巖一  
粲移眼前巖下漚雙澗有橋亦有船巖上結數楹可誦  
亦可弦飽卿昔栖隱恍造羅浮巔花時暢盤泊花後長  
澗沿而何別汀花席帽搖塵鞭開圖解飢渴至竟嗟唐  
扃比來遊屐重砭治頗未蠲逍遙遂初服此幸非偶然

還鄉訊寒友猶許扶筇屐不羨調鼎材但賦巡簷篇江  
鷗春浩蕩懽喜催離筵

旃蒙單闕

正月八日東臯師同韋鴻臚稽學士餞送王述  
菴少司寇和約軒韻

師門先後蓬山去獨仰巋然魯殿存穀日招攜成一醉  
竹林伴侶忍重論假休職業逢  恩數救弊文章攬道  
源白髮四人吾末座知公爵齒德俱尊

正月九日奉

勅恭和

御製重華宮茶宴延臣內翰林復成三律元韻

紀元六十繩

皇祖天運環回健曰乾百廿歲推長壽策洪範一曰壽注百二十歲

今意書紀歲週兩甲子五重陽展太平年今係月正九貞元通續紀年無量

日凡月日蠲逋免賦力紓矣海賚山琛情翕然荷藎度通職貢

德威感被靡遠弗屆既濟利古如未濟日孜孜仰

帝純全

穀壇穀日直通誠報雪先逢一尺羸上年十二月各省雪澤普霑近京積

至餘尺臣自乙巳至辛亥承乏敬埃五年府尹奏報得雪情形遜此優渥

廣衛柳洪開萬禩邁周楨班聯踈踏覘工亮翹秀頻煩



愧匠成

壬子癸丑甲寅臣以工部侍郎非分榮施欣

沃澤三清勵志矢端貞

臣曾直郎特選掄預榮施逾分倍深感

揚

正月九日奉

勅恭和

御製新正紫光閣茶宴外藩元韻

乙年周甲紀

元功六宇熙熙燾載蒙斗極具瞻辰北正梯航難得海  
西同雲臺夔唱羣藩薯雪隴涵濡遠佃融好是放晴人  
穀後春祺普恩洽

宸衷

正月十七日有感

兔華將缺赴燈燈六十年前就傅期官職聲名心竊忝  
恩勤教養泪空垂老槐欲蛻狐窺塾病馬難旋僕守祠  
竚作

皇朝太平叟晴窗緩步向東籬

清友京尹宜南坊寓齋臨川穆堂前輩故邸也

秋岳慕廬諸公先居之見謝山紫藤軒記京

兆以橫街舊寓有絳桃海棠白丁香各一顏

曰三華樹齋遂於軒西南結三楹亦植此三

者並仍其名繪圖索句爲成二律

春花能白復能紅看遍長安興不同雲湧坊南多列第  
派傳江右有清風朱藤亂挂龍蛇影綠樹新移孔翠叢  
從此舊聞添掌故韓宣拔望舉何窮

元都觀裏幾枝開丁子從教蜀產陪帶墜僮防紛落剪  
拂簷客擬試銜盃鄰園僧寺登臨費江硯宣毫嘯詠催  
君是嵩陽前道士三花珠樹此分栽

譚孝女刲臂療母詩

有序

孝女南豐人名千姑母張病劇孝女刲臂肉入藥母旋  
甦而孝女創甚塔誌得其故家人漸有知者其邑人來

徵割股詩股訓髀亦訓脛本李穆堂跋以周末至唐宋並稱割股而無割肱之說疑手足稱四肢股義頗同肢虞書以股肱對元首元卽首或股卽肱復引戴記適四方裸股肱執射御謂他境之人觀瞻所繫安得露其下體射有禮服露臂乃袒免之常其下體亦不應露以爲肱股互稱之証然易與爲股詩麾之以肱赤芾在股皆不可以互訓惟冬官磬氏爲磬其博爲一股爲二註股磬之上大者也似上者亦可稱股然非明据割臂見春秋傳割股見莊子特介之推所割者股而後世嚮臂者遂襲其名至萬字兆謂割股當作割肱不知肱乃用盡

處是臂曲非臂本猶股之曲處爲膝亦稱脛本也附論  
如右

譚女以孝聞於揭已稱婦齊贅經歲時女也亟療母諸  
子方童騃女子子相守昏鐘達曉鐘湯藥弗離口省視  
弗離睫扶掖弗離手明明血肉軀蠢蠢膏肓藪沈沈床  
簀前心孚卜盈缶悔未霍霍磨斷筋執誰咎病者興蹶  
然創者潰淹久使臂身欲僵折腰色頰愀其故人不知  
其愚神所屬夷考股與肱下上體分受古來判股人大  
槩在左肘肘曲謂之肱肱是兩膝否惟股訓強固釋名  
有股  
無肱股固也與順託脛走割股始介推鄆人對滋詬他  
調強固也

若烏大夫撫士極優厚同時數十輩到祭侑椒酒謂無  
鬻臂將俗習見斯狃奈何鑿經義股肱例元首裸肱卽  
袒臂裸股亦間有循釋戴記文難作斷章取奇孝毀體  
膚如木拆左紐志隱名卒揚計短理必壽我詩證釋形  
觀風采毋後

爲光山胡公少宗伯補謚文良作卽用雲坡尙

書紀 恩元韻

河嶽英靈萃許申 袞華載被讀書人論思值 殿

遷書策請老還鄉理釣綸墟在九原猶起敬階逾三品

喜宋侍郎階三品久沾 仁承家報 國生非偶占  
康熙間改爲二品

良成男作世臣

葉忠節與沈文恪前輩遙遙仰止情

吾郡八

本朝得

贈工部侍郎沈以詹事加禮部侍郎照例子諡

在昔侍郎蒙諡少祇今優秩

拜

恩行書繙經庫編韋重坊拱神祠綽楔榮爲告

司勳稽壹惠青山馬鬣路交縈

欲辦心香薦沚芳較漁洋老倍增光

比來惟新城王司寇補諡文簡其餘

補諡者大抵明季名人而已

諱名始遂揚名願闕世長懷棄世傷官

位改題宗祏寵雲祇守墓田良太常典闕看重補敢

使

殊恩一飯忘

爲金素中太守題臺海歸帆圖

我行泰山側府主迎我勸我登日觀湧現樽桑毬掉  
 頭笑不顧袖底天風颺言從嵌海來婀娜蒲帆收曲隨  
 之字行峭作梭樣投鹿門與鹿港還往杯同浮甍惟闕  
 蜀交民物推蕃稠甲螺倭酋名久消歇長耳還泡漚民番  
 所錯雜遠島羅共球小大三十六名義紛難求番居號  
 曰社七二相連鉤六穀歲載稔百貨人兼籌厥卉繁蕪  
 桐厥醬嘗扶留織毛紋隱隱籠鳥聲啾啾荷蘭紅毛夷  
 測線來沙洲內洋沂外渡鉞路勞諮誣不知幾十更纒  
 得來炎陬君昔縮半通意氣凌鼉蚪雲垂水亦立忠信  
 消百憂於時金甲銷南北停牢搜仙瓜萬壽熟仙鹿干



羣叨囉唻諸大長各各安春褻側耳聽衙鼓千騎尊上  
頭一朝聞調待橫絕黑水溝鴉班譁笑語葉葉如鳧鷖  
片帆趁風利穩坐忘唾歐本非僂耳謫且效羌邨謳因  
思擊楫初忼慨無夷猶挂帆去浩浩落帆歸油油朱旗  
引朱蓋回望船如樓山雲起膚寸含潤連齊州孰禪孰  
大瀛試訪談天驕

汪古愚

本直

刺史於忻州葺遺山墓

東岩先生有才子十四從師蔚雲起箕冢如陪司馬登  
琴臺更悟成連旨內鄉作令又南陽輟轉頭銜換省郎  
族望共傳元魏始宗祊旋報蔡州亡代馬蕭蕭嘶向北

糞火柴門閤聲迹餘燄長爭老杜光橫流那識長公格  
錦機織出綺羅工恩怨分明溯國風甲子編年真寂寞  
幽并吐氣最沈雄金源文物傳金匱寸紙駢聯歸睹記  
寶錄空藏萬戶家新朝尙采千秋事生年依約似東坡  
衰草斜陽樵牧過遺書直壓猗玕上考姓還憐拓跋多  
汪侯懷古常心惻爲表孤墳置百石遺民似說是兒孫  
好句誰能圖主客中州文獻劇飄零名節如公照日星  
五花要認詩人墓一笠應添野史亭

墓前有土五方每方縱橫五丈五尺

高二尺相傳先主葬時四方來祭者於此張帳畫花爲記至今呼爲五花墳

塢上海喬淦玉繩覆校

白華後稿卷之三十六

南滙吳省欽冲之簪

男敬樞星宰校字  
敬沐起元

古今體詩十

柔兆執除

正月四日千叟宴恭紀

臣聞六十以上上所養未聞六十以上上所長臣就傳  
年

太上皇登基今六十八視學邦之畿月正元日天門開  
誅蕩

太上皇以大寶授

皇上越四日辛辰卜亥字國老鄉老鶴步翩聯至三  
千人合億萬算無窮來獻

萬萬壽

萬壽兩宮

微臣

善飯百體差強健稽毫一寸鬚髯颯如

練有

臣

生同年月肩相挨

臣

生後戶部侍郎

臣

沈初各一日

先

官羊官醞官果其核懷我

朝嘉讌及茲次三舉惟

泰元神申錫恢壽宇中國

一人天下爲一家

聖作

聖述稽放勲重華須知勲華授受非一姓四萬八千年

遜斯 今盛手扶 賜杖齊效嵩嶽呼每見丙歲

敬宴朔

紫衢

恭和

聖製新正紫光閣宴外藩元韻

一元長轉

六符徵假伯靈臺萬紀應圖畫功臣

皆將相瞻依

壽佛是高曾天申五福惟常健

聖集千祥在克兢多少梯航聯雁侶囉唌翕習酒親承

法時飄祭酒梧門讀書圖

龍門桐百尺中有荻灰殘影拂春暉短恩圍海澱寬巢

白華後腐

卷三十六

二

痕空埽月線跡忍禁寒免作柯亭爨  
拔條淚自彈  
松堂坐清樾試聽鳳皇音每對高槐市難爲小草心百  
年身鼎鼎一卷思愔愔多少青袍子從君擁鼻吟

二月七日發良鄉大風晚宿高碑店

籃輿指督亢宿麥窳微綠萌動及草樹一笑縱春目忽  
逢箕伯怒噫氣咽坑谷臧臧枯條鳴滾滾橫波蹙一決  
出土囊我囊土可掬我面垢以黃我衣緇且黷我輿欷  
不前與丁聚百足旣恐迎風僵兼恐負風伏遂使百步  
閒寬若百里屬茨如復輪如雅篋狀刻酷轉憶去歲秋  
平地作水宿非無纜輿篙所苦乏艫軸偶然牽一舟舟

子手蹉跎茫茫就淺深在海仍在陸昨宵占月儀魄暈  
淨於沐此風來何從如流倒萬斛結訟效韓愈作賦體  
宋玉夕陽俄在山巖烟曳茅屋晦嚮象轉明憤洩勢亦  
蓄偉哉造化功佑我黑甜熟

保陽試院柏乾隆己未西蜀倪象垕守此所種  
今存者十二三耳屬在幕諸子同和

薄雪濃陰坐淡旬牛腰狗大認襟身爲移丞相祠前種  
好歷河陽縣裏春此樹十年推我長維桑三宿與誰親  
同時嘉種摧殘久始信流光是相人

定州試院後樓題壁多舊識者莆塘則華亭陸

大令惇宗瘦銅則吳縣張舍人填皆入幕而  
來前學使亦多和韻之作

重闌危倚暮雲開埽遍中山紫穎來及我登臨颯風雨  
是誰歌舞上樓臺

院以乾隆初年  
籍入官產成之

浮圖影卓窺簷入扇

院聲沉喝道回多少舊鄉人物感眾春園裏竚徘徊

孫蕉石

麗京

刺史連日餉冬筍

拚教千日醉開樽獨院丁香僻似邨花信夢紆湖上棹  
石華間帶雪中痕寄來冬筍經春脆配取晨蔬到夕殮  
爲語使君須覆瓿蒨邱從古植龍孫

小極試鼻烟戲作



醴醢職漿人大概視瀧滄自從茗菴行六飲廢斯久烟  
草出呂宋裁筒吸以口非霧起嘘呵如星散燎檠滿座  
圍高朋十可醉八九髣髴挈引藤用火水則否於味不  
於吳母乃亨敝帚而何鼻飲流刀圭不離肘錦囊裏玉  
壺三嗅遍童叟云從歐羅巴航海不脛走其色閒蒼綠  
其質散粉糗我方蹙額迎彼乃張孔受頓消膚粟寒漫  
翻顏醜壽母髮論茶性挾病豁矇矓利小害差大毀茶  
效彈糾咄哉鼻亭公鼓氣作戎首內充與外腓孰向靈  
景叩鬼井付輸攻山源失墨守黃神本草經慎毋事矯  
揉詩成誰且吟再酌中山酒

以冬筍詩報蕉石則云菹餘杭徑山筍熟之者

用前韻解嘲

輓筍干鄉太守尊戾乾言自徑山邨祇緣滄水回鱸味  
尙憶蟠泥破蘇痕北販頻煩同匭貢南烹容易付盤殮  
洞霄提舉雖難乞參到門生是竹孫

地毬銳上平下馬射中此爲工校士有作

看場人作堵牆圍也算登壇下指揮勢擬搖鞭弓乍滿  
心懸倒埒馬爭飛折旋巧比從禽中高唱謹如獲雉歸  
忽憶楚氛勞迅埽和門蹴鞠映交旂

三月十六夜望開元寺塔鐙和楊慕婁韻

虛堂遙拱慧燈尊疑玉毫光放願門百級瓏玲交見隱  
十方黯淡自怨恩真藏色相空無界幻影星河定有根  
惶愧紅紗能障眼三條燭盡費評論是日禮闈第三場  
試竣余亦竣定州

試

定州院齋紫丁香和韻

合成百結吐成葩紫帔仙靈下九霞  
姓冒蓉城丁作主種歧花譜魏爲家  
天斜月地窺人影荏苒春陰感歲華  
輸與迦陵工作賦孤鐙掩涕痛何涯  
陳其年紫丁香賦乃悼亡之作查夫  
人以戊申手植丁香數株於青  
廠寓齋久作花矣懷此惘然

定州使齋有木高廿尋雙幹枝葉類槐榆風甚

則液自枝閒飄墮如雨湘潭朱進士聲亨謂  
在楚曰樟其良者作器樸緻粗者不材液點  
地卽蘊蠹按樟山榆卽郎榆本作榭榆說文  
以爲松心木榭之從榭文異音異而訓不異  
自見而知詩以紀實

上山爭伐擅樸樨遍遭毒所以草木名難得爾雅熟屬  
院挺危柯其鉅等牛腹我來方茁芽若鼠耳兔目芳條  
抽蕤蕤嫩葉攢簇簇蚤閒擲鷄狂眯眼障塵黷俄看雨  
殺風淅淅打堂塾粗或如瓣花細乃似戎菽有時上我  
衣膩澁不容沐意行嚮西東乾土仍滿躬吾徒家楚湘

爲言是樛木級者栝柏尊粗者癭瘤蹙一邀嘉樹譽一  
抱不材辱壺涿掄牡辜義取鎮魍蜮注家訓山楡同類  
竟殊族而我憶棚楡松心抱貞肅其液常構構異文兼  
異讀棚溪與朗州厥產翳巖谷假令斲兩輪那藉豨膏  
蓄願借枌社人糝羹話鄉曲

題趙州試院樹人堂

并序

予以乾隆十年籍學次年籍廩時憲副崔公紀以祭酒  
視江蘇學今嘉慶元年丙辰四月旣望予按趙郡見乾  
隆元年丙辰五月公所書試院堂額趙之試向附正定  
公至而院適分建今州守平樂何不園愚嘗假予館執

業故歐陽氏所稱門人者感成二律屬書而懸之版

碧幢紅旆擁來句題柱風流學塾巾

堂舍楹榜皆不圍  
手撰語意雅切引

媿而

已敢使悲歌成下士忽覘令範作先民一邦視學當

壬癸

壬癸爲  
燕趙分

兩聖書元繫丙辰師友遷流青鏡

在廿年前已髣如銀

茶鑪真向趙州開麥候終風撲座灰魏博軍行皆嘆惜

時選正定  
鎮兵赴豫

河汾講罷重低徊不眠試倚山巖桂

子近每  
廢寢吳

質不眠倚桂  
樹李長吉句

獨詠休論郡閣梅卻望五雲懷瘦弟櫻廚

誰與笑銜杯

蘭弟以辛亥夏代予視學畿甸凡五年  
予故未按趙今又代弟始至此故云

冀州送杜武邑

羣玉

採菴歸養崑山卽用畱別

韻其末並寄李玉樵筠心鼓園

捧檄迎來過十春，玉峯宜著草堂人。絲綸 敕命新

承寵箕斗文章，夙遇神嬉戲尙隨。黃犢健行藏，須共白

鷗親郊圻墨綬如麻列，若箇循陔勇乞身。

烏帽黃塵上計年，栽花滿縣也听然。官常祇有隨緣飯，

庭湖原無造業錢。早別南橋參北寺，又辭北馬換南船。

山來才命論公道，翦折頭銜此數篇。謀庵有剪餘集  
予曾序以行

青袍出去錦袍還，三面湖光一面山。月上亭臺燒芋後，

唯亭燒芋最美，予謂亭林風高蓄舊讀書間。當門鴉

鷺雖惱隱几兒童意，自閒誰伴芳蘭作供養。芙蓉金菊

門爛斑

亦知暮氣中歸心李褚相逢語故侵

玉樵自于墩移賊  
筠心亦倚此去秋

順道得一

名教羨君行樂永辭章愧我用功深偶隨瓜李

南皮會好訂琴壺北郭吟除是同官人啖荔苦嫌音問

抵雙金

李東鹿藏園亦工詩  
與探庵有李杜之孫

永年新生院化龍叩之故阮姓百餘年前某提

學改爲院家譜可據因復其姓而更名猶龍

氏族浩烟海莫山考姓苑蜀才多有母楚才閒有但但

乃檀之譌母實毋所混往吾視學時領吾說非誕冀方

孫姓繁代北譜星散僻每滿于家異恐使二本卽如阮



共旅毛謂三地準鄭於阮徂共乃謂三國建密人侵阮

人竹書是誰撰繫望著陳畱當自步兵斷維室有牆垣

曰院義同阮

說文代郡五阮闕姓釋阮出陳畱字書以室有垣墻曰院是院特阮之孽生字

院稱官府隋前見斯罕書院唐殿尊佛院宋土踐文字

既漸孽未許肆誣辨阮生笑且膺復姓意差滿旁有睢

兩生

武勛元

舉頭露五管言遷自睢陽數傳齒頗衍吾疑

睢孟後俗書傳戶版以地遂為姓特恐近淆舛質以灘

睢睢茫然目徒睥目笑謂化龍泥馬蹟靈顯不如柱下

史猶龍聖稱善豈知切音殊呼龍舌根塞

畿南讀龍作令穹切

詩告司商抱經服農吹

題廣平院槐一律

森沉扁院近槐陽，幾樹搖風六月涼。  
火候已陪榆繖改，冷淘曾替笋廚嘗。  
實垂落落農夫賀，花趁紛紛舉子忙。  
老我無心攜一枕，南柯夢醒話偏長。

北方農家以槐花而不實爲有年之兆

五日題圓津寺

有序

寺在內邱西二十里，四楊橋爲方恪敏公徵時養疴處。  
既貴新之閱歲既久，公獐子來青觀察重爲葺治。寺僧  
以予庚寅使粵時題寺詩相示，予過此十有一矣，而入  
寺者三感賦。

綠楊兩兩蔭平橋紺宇重重拓敞寮禪榻未移絲鬢杳  
詩牌雖在蘚紋驕三生正果賓僚話五日靈風弟子招  
垂四十年過十度者回晏坐聽鳴蜩

阜城枕頭瓜

鉤帶沙畦徑尺遮西瓜采采認冬瓜青浮玉案眠孤帶  
黃釀金卮枕一窠佳種驚心劉豫宅老年病肺杜陵家  
北窗卧嗽非容易要作安期巨棗誇

老年病肺宜  
高枕杜句

錄饒陽武童十五名其四師何慶麟其六師段  
鍾華何段皆以技名而老武童不復試感作

童子分棚五六人澤宮相看戴儒巾彎弓那信烏號急

中埃爭排鵠影勻六藝工夫游獵淺兩曹指點習傳神  
教師被褐頭如雪私恐文壇鑑未真

題紅橋載酒圖

有序

板橋耳在崑山北門內山塘涇丙申丁酉開仁和蔡小

霞

延衡

僑涇上東過橋卽杜擘溪

翠玉

舊居時時載酒

作文會蔡旣上第約寫風景以篤懷舊泊丙午杜試吏  
保定輒舉贈焉今丙辰秋杜以憂回里乞題其事並寄  
蔡蘭州根觸百端祇自慚狡獪云爾

浣花溪著浣花叟學養辛勤合耨耦引鑑寧煩紀丙丁  
乞漿最好逢中西淺淺瑤流百尺強赤闌干亞小虹梁

癖左浸淫排武庫，贅齊跌宕系中郎。  
橋西著屐橋東向，雞犬依稀離塵障。  
脫帽因防柳絮風，湔裙祇趁桃花漲。  
短童束髮束書隨，歷擔獼猴榼與甌。  
抗手迎門欣就訪，環腰埽徑信忘疲。  
此時節物真駘蕩，此地林亭劇幽暢。  
非關載酒戀鷗歌，胡許題襟紆鶴望。  
崑山片玉露浮筠，異姓機雲洛下聞。  
蚤及句曠紫五色，便將水竹寫三分。  
竹影娟娟莎靡靡，茅屋鱗鱗磴齒齒。  
齒齒墨綬之官縞，紆將朱轡奉使酒泉徒。  
小霞新自西寧道移蘭州道圖中人已髯毛蒼，我亦扶鳩宴紫閭。  
何日玉山草堂靜聽麻姑話，小滄桑

南皮張烈婦詩 有序

婦王氏適廩生張裕慧浙太平令景運春巖長子也裕  
慧療婦割股以進旣歿誓殉焉語聞小姑曰奈舅姑何  
曰有叔在奈孤何曰有乳媪在繪裕慧望月象於壁閒  
舉謂神似以嘉慶丙辰四月二十三日投閒自斃距裕  
慧死凡二十玖日年二十有五

南皮古詩國春巖今特雄我嘗序其集氣格心所隆厥  
子十八九名隸儒學宮越昔歲壬子津淀巡

六

龍觀光冀奏賦贊我瑕使攻具體雖則微力學斯可充  
舍去四五年毛羽當日豐析津大藩地集試羣子喁欣  
欣效鳧藻適鳴魚桐此子期不來玉樓迎寶幢三月

日廿三抱疾丁鞠凶荏苒閱三旬乃婦成蜺蟲髮上絲  
影素臂上刀瘢紅割肉不療病神聽無由聰非無黃口  
兒非無斑髮翁之死殉所天此外投虛空曲房埽素壁  
纈象光玲瓏昂俄戟雙手眺月輪重重月缺有時圓人  
缺無時逢相逢在何許併命泉路同生世命如紙沒世  
名如蒿小夫好議論言行歸中庸有孤亦有舅於義非  
代終於子近恩孝於臣近恩忠好事不如無斯語當折  
衷而我舊史氏璘璫攜管彤男兒蠹文字那易傳無窮  
一死博借死不死標奇縱忝承使者輶利用觀民風行  
將告 廟堂烏闕儀海邦庶幾舉其職並識人倫宗詩

成廬實狀時菊寒寒叢

題笛樓司馬叟宴紀 恩詩後三絕

前元年蔭後元年東內趨陪叟八千一叟一詩成績帙  
紀 恩輸與笛樓傳

佐郡頭銜典郡同出門西笑控花驄點衣片雪蓬鬆影  
想見東原

御氣通

慧業真靈接繡茵 上方宣賜拜殊珍平頭玉杖扶將  
否我亦華嚴會裏人

壻上海喬淦玉繩覆校